



Broj: 03-017-3314/2021
Dana, 07.07.2021. godine

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
SKUPŠTINA UNSKO-SANSKOG KANTONA

PRIMLJENO:			
07.07.2021	07.07.2021	07.07.2021	07.07.2021

SKUPŠTINA UNSKO-SANSKOG KANTONA

PREDMET: Prijedlog Odluke o davanju saglasnosti za kreditno zaduženje za likvidnost putem revolving kredita ZU Kantonalna bolnica „Dr.Irfan Ljubijankić“ Bihać, dostavlja se;-

Na osnovu člana 181. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17), u prilogu vam dostavljamo Prijedlog Odluke o davanju saglasnosti za kreditno zaduženje za likvidnost putem revolving kredita ZU Kantonalna bolnica „Dr.Irfan Ljubijankić“ Bihać, uz sljedeće:

O b r a z l o ž e n j e

Vlada Unsko-sanskog kantona je na sjednici održanoj dana 07.07.2021. godine razmatrala i utvrdila Prijedlog Odluke o davanju saglasnosti za kreditno zaduženje za likvidnost putem revolving kredita ZU Kantonalna bolnica „Dr.Irfan Ljubijankić“ Bihać, obrađivača Ministarstva zdravstva, rada i socijalne politike i isti vam dostavljamo na razmatranje.

S poštovanjem,

Prilog: - Prijedlog Odluke o davanju saglasnosti za kreditno zaduženje za likvidnost putem revolving kredita ZU Kantonalna bolnica „Dr.Irfan Ljubijankić“ Bihać (6x)

Dostavljeno:
1.Naslovu
2.a/a

PREMIJER KANTONA
mr.sci. Mustafa Ružnić



Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), na prijedlog Ministarstva zdravstva, rada i socijalne politike, Vlada Unsko-sanskog kantona, na sjednici održanoj dana 07.07.2021. godine, donosi

ZAKLJUČAK

I

Utvrđuje se Prijedlog Odluke o davanju saglasnosti za kreditno zaduženje za likvidnost putem revolving kredita ZU Kantonalna bolnica „Dr. Irfan Ljubijankić“ Bihać, te se isti upućuje Skupštini Unsko-sanskog kantona na razmatranje.

II

Ovaj Zaključak stupa na snagu danom donošenja.

Broj: 03-017-3314/2021
Bihać, 07.07.2021. godine



Na osnovu člana 95 Poslovnika Skupštine Unsko-sanskog kantona („Službeni glasnik Unsko-sanskog kantona“ br.9/17) i člana 41. Zakona o ustanovama („Službeni list RBiH“, br.6/92, 8/93 i 13/94), na prijedlog Vlade Unsko-sanskog kantona, na ----- sjednici, održanoj dana-----godine, Skupština Unsko-sanskog kantona donijela je

ODLUKU

o davanju saglasnosti za kreditno zaduženje za likvidnost putem revolving kredita ZU Kantonalnoj bolnici „Dr.Irfan Ljubijankić“ Bihać

Član 1.

Daje se saglasnost ZU Kantonalnoj bolnici „Dr.Irfan Ljubijankić“ Bihać, za kreditno zaduženje za likvidnost, putem revolving kredita, u iznosu od 2.000.000 KM na period od 12 mjeseci.

Član 2.

ZU Kantonalna bolnica „Dr.Irfan Ljubijankić“ Bihać, dužna je putem javnog poziva provesti postupak prikupljanja najpovoljnijih ponuda, te je dužna izabrati najpovoljnijeg ponuđača i zaključiti ugovor o kreditu sa istim.

Član 3.

Ova odluka stupa na snagu danom donošenja i objavit će se u „Službenom glasniku Unsko-sanskog kantona“.

Broj:-----
Bihać,-----

Predsjedavajući Skupštine
Unsko-sanskog kantona

Razim Halkić

OBRAZLOŽENJE

PRAVNI OSNOV-

Pravni osnov za donošenje predložene Odluke nalazi se u čl. 11.m), odjeljka A poglavlja V Ustava Unsko-sanskog kantona («Službeni glasnik Unsko-sanskog kantona» br.1/04 i 11/04), te člana 41.Zakona o ustanovama („Službeni list RBiH“, br.6/92, 8/93 i 13/94).

RAZLOZI ZA DONOŠENJE-

Razlog za donošenje ove Odluke je omogućavanje tekuće likvidnosti zdravstvene ustanove.

Ministarstvu zdravstva, obratila se pismenim putem Kantonalna bolnica „Dr.Irfan Ljubijankić“ Bihać, sa molbom, da se njihov zahtjev proslijedi osnivaču radi davanja saglasnosti za kreditno zaduženje putem revolving kredita, u iznosu od 2.miliona, na period od 12 mjeseci, sa procijenjenom vrijednosti troškova za kamatu u iznosu od 48.000 KM.

Uz zahtjev Kantonalna bolnica je dostavila Odluku Upravnog odbora, broj:01-57-3/21 od 10.05.2021.godine, kojom se odobrava javna nabavka usluge revolving kredita u iznosu od 2.000.000 KM na period od godinu dana, sa, kako smo naznačili, procijenjenom vrijednosti troškova za kamatu u iznosu od 48.000 KM.

Unazad par godina, Kantonalna bolnica je prinuđena da zanavlja revolving kredit, kako bi vratila prethodni iznos kredita banci. Zadnji ugovor o kreditu, sklopljen sa „Raiffeisen Bank“ ističe 09.10.2021.godien, do kojeg roka bi se ugovoreni iznos sredstava trebao vratiti banci.

Skupština Unsko-sanskog kantona osnivač je Kantonalne bolnice Dr.Irfan Ljubijankić“ Bihać, a za realizaciju kreditnog zaduženja potrebna je saglasnost osnivača.

Na prijedlog resornog ministarstva Vlada Unsko-sanskog kantona utvrdila je prijedlog Odluke i ista je dostavljena na razmatranje Skupštini USK.

Članom 9. stav (1) Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije Bosne i Hercegovine“, broj: 34/16 i 26/18), propisano je da se uz propis ili akt planiranja koji se dostavlja na razmatranje vladi ili skupštini kantona, obavezno dostavlja Izjava o fiskalnoj procjeni na obrascu IFP-DA ili IFP-NE i Mišljenje Ministarstva finansija o fiskalnoj procjeni propisa ili akta planiranja.

Obrađivač materijala, Kantonalna bolnica i predlagač tj. Ministarstvo zdravstva, rada i socijalne politike, potpisali su Izjavu o fiskalnoj procjeni na obrascu IFP-DA, a Ministarstvo finansija USK dostavilo je pozitivno Mišljenje o fiskalnoj procjeni revolving kredita, br. 04-11-5132-3/21 od 28.06.2021.godine.

U Mišljenju je navedeno da je predlagač postupio u skladu sa članom 8 Zakona o budžetima u Federaciji BiH i članovima 2,6. i 7. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet.

FINANSIJSKA SREDSTVA- Za provođenje ove Odluke nisu potrebna finansijska sredstva iz Budžeta Unsko-sanskog kantona

Obrađivač: Aida Blažević



MINISTAR
prim.dr.Muris Halkić, spec.pulmolog